

Vedtekter for Voss Parkering AS

(vedteken i ordinær generalforsamling den 08. juli 2024)

1 Namn

Selskapet er eit aksjeselskap med namnet Voss Parkering AS.

2 Forretningskontor

Selskapet sitt forretningskontor er i Voss herad.

3 Formål

Selskapet har ikkje erverv som formål og skal stå for bygging og drift av parkeringsanlegg i Voss herad og medverka til å redusera trafikkbelastninga i sentrumsområdet og til å utvikle gode tilbod for gåande og syklende. Selskapet skal medverka til istandsetting, tilsyn, vedlikehald og utvikling av Vossevangen som regionsenter.

Selskapet skal utføra heradet sine oppgåver etter «*forskrift om vilkårsparkering for allmennheten og håndheving av private parkeringsreguleringer (parkeringsforskriften)*», jf. vegtrafikkloven § 8, og «*forskrift om offentlig parkeringsgebyr*», jf. vegtrafikkloven § 31 a.

Etter avtale kan Voss Parkering AS også ta seg av drift av private parkeringsanlegg. Selskapet skal disponera heradet sine frikjøpsmidlar i samsvar med heradet sine retningslinjer.

Eventuell deltaking i private parkeringsselskap/prosjekt i form av aksjekapital, tilskot eller lån skal godkjennast av generalforsamlinga.

4 Verdigrunnlag

Selskapet skal drivast etter forretningsmessige prinsipp, men ha eit utprega samfunnsansvar. Selskapet skal vera kjenneteikna av høg kompetanse, service og samhandling med omgivnadene.

5 Aksjekapital

Selskapet sin aksjekapital er ein aksje pålydande kr. 500 000 som Voss herad skal stå som eigar av.

6 Utbytte

Det skal ikkje betalast utbytte.

Ved oppløysing av selskapet skal overskot og formue nyttast til utvikling og tilrettelegging av Vossevangen som regionsenter.

7 Styret si samansetning

Selskapet skal ha eit styre på 5 medlemmer og 4 varamedlemmer.

Styremedlemmer fungerer inntil nytt medlem er vald.

5 medlemmer og varamedlemmene skal veljast av generalforsamlinga der 2 medlem skal vere huseigar eller næringsdrivande på Vossevangen.

Rådmannen eller den hen peikar ut, kan delta på styret sine møter med tale- og forslagsrett.

8 Selskapet si leiing

Selskapet sitt firma blir teikna av leiar av styret og ein styremedlem.

Styret kan gje prokura.

9 Generalforsamling

På den ordinære generalforsamlinga skal følgjande saker avgjerast:

1. Fastsetjing av resultatrekneskap og balanse.
2. Disponering av overskot eller dekning av underskot i samsvar med den fastsette balansen.
3. Godkjenning av selskapet si årsmelding.
4. Fastsetjing av honorar til styret.
5. Fastsetjing av honorar til revisor.
6. Val av styre og revisor.

Styret si årsmelding og rekneskap, i revidert stand, skal vere sendt ut saman med innkalling til ordinær generalforsamling.

10 Anna

Aksjelova sine reglar gjeld i den utstrekning ikkje anna er fastsett i vedtektene.
